



# **Universitätsbibliothek Paderborn**

## **Dissertationes De Actibus Humanis**

**Karchne, Simon**

**Augustæ Vindelicorum & Græcensis, 1716**

§. VII. De voluntario formali, & interpretativo, & quæ actiones validè, aut  
licitè fiant dependenter à voluntario interpretativo.

**urn:nbn:de:hbz:466:1-39981**

non est illativa talis effectus, nihilominus ejusmodi casualibus homicidijs est annexa irregularitas, et si diversa ab illa, quæ committatur homicidium voluntarium, quia est facilioris dispensationis. E contra nulla incurritur irregularitas ex homicidio casuali tali secuto ex actione, quam quis posuit, nec dubitans, nec cogitans de morte. Homicidium mixtum ex casuali, & voluntario, vocat illud, quod sequitur ex actione, ex qua non semper nec sèpè, sed aliquando mors sequitur: si tamen talis actio ponitur ex gravi negligentiâ, circa cavendum homicidium, incurritur irregularitas, minimè vero si sequitur ex levi negligentia *ex c. Presbyter de homicid.*

Canones etiam distinguunt inter homicidas operam dantes rei licitæ, & dantes operam rei illicitæ.

In postremis facilius præsumitur voluntas indirecta homicidij, maximè si actio illicita sit prohibita propter homici-

dij periculum, in tali enim in confuso, seu dubitativè præcognoscitur homicidium; talis actio est hostillicidium Clericis vetitum, similem actionem exercentes fiunt irregulares secuto homicidio, quamvis sufficiens diligentia præcesserit ad id cavendum, & ideo sit homicidium inculpabile, quia eo in casu non homicidium punitur irregularitate, sed inobedientiâ circa materiam homicidij, ac violatio Sacrae observantiae contra decentiam statutus Clericalis, ob hanc etiam, secus ob periculum homicidij est eisdem prohibita immoderata venatio, unde si mors sequitur, est de hoc, & irregularitate discurrendum, sicut dictum est de causali homicidio; forum etiam externum eos punit ut irregulares. Totus hic numerus est approbatus à Joan. Marin. *de Act. hum. cit. n. 67. & 68.* Interim fixum sit in foro conscientiæ non incurri irregularitatem ex delicto sine peccato mortali,

est enim poena gravis

### §. VII.

*De Voluntario formalí, & interpretativo, ac quæ actiones valide, aut licite fiunt dependenter à voluntario interpretativo.*

31. **V**oluntarium directum, & exprefsum rectè dicitur formale, ac secundum plures indirectum vocatur interpretativum Sporer. *tr. 1. Proem. c. 2. n. 20. & 23.* est tamen distinctio inter indirectum, ac interpretativum, quod ut

observat Gervas. Prisacens. interpretativum non modò sit illud, quod ex facto aliquo, aut omissione sequitur, in quo convenit cum indirecto, sed etiam ex præsumpta alterius sive presentis, sive absens voluntate colligitur, idcirco etiam præsum-

fumptum, dicitur, ut si à superiore licentiam talem rogarem, verisimiliter mihi concederet.

Hujusmodi interpretativum voluntarium distinguitur duplex; unum conditionatum, alterum absolutum apud Hau-nold. *Theolog. Scholast. l. 2. n. 67. Soarez. 1. 2. D. 1. §. 4.* Conditionatum est actus de facto, seu actu non existens, sed adesset, si occurreret objectum illi, qui præsumitur habere tale voluntarium, ut si superior actu non consentit, consentiret tamen in meum factum, quod facio ex præsumpto ejus consensu, si rogaretur. Absolutum est, quando prudenter ex quibusdam circumstantijs infertur alterum aetu habere voluntatem, ut à me hoc, aut illud fiat, quod sine ejus actuali consensu, hic & nunc fieri non potest licete, aut etiam valide, talis interpretativus absolutus consensus præsumitur in filia præsente non contradicente parentibus pro ea Sponsalia contrahentibus per n. 27 & in Episcopo, à quo petita est facultas excipiendi confessiones, et si nullam edat Signum manifestans consensum, videns tamen petentem ingredi confessionale, non contradicit, cum posset, sed tacet, præsumitur enim actualiter consentire, hic actualis consensus, prout contraponitur expressio, vocatur etiam tacitus, seu implicitus, ab alijs voluntarium præsumptum absolutum actuale.

32. Hujus duplicis voluntarij interpretativi usus est frequens in actionibus moralibus, non tamen uterque sufficit ad quasvis actiones, licete, aut valide exercendas; nec etiam is, qui alias aliquibus personis permisus est, ut eo licet uti possit, sine discriminâ concessus est omni-

bus. Ut ergo circa hoc discrimen detur, regula aliqua adferenda est, ex qua discerni valeat, in quibus actionibus sufficiat, aut non sufficiat consensus conditionatus, aut necessarius sit absolutus.

Pro decisione duo sunt notanda: unum est, quod quædam actiones, ut licete, & valide exerceantur dependeant à jurisdictione actuali, ut absolutio Sacramentalis, assistere matrimonio; quædam vero, ut citra culpam fiant, sufficit, si alter, ex cuius consensu possunt licete fieri, positivè non sit invitus, seu fiant eo non resistente.

Nunc statuo sequentem regulam: ad eos actus exercendos non sufficit voluntarium interpretativum conditionatum, quorum valor dependet à consensu absolu-to, uti dependet illarum, quæ poscent jurisdictionem in exercente, cum cam non conferat consensus conditionatus, seu ratihabitio alterius, si rogaretur, unde carens jurisdictione Sacerdos nequit valide absolvare, dependenter à tali voluntario, nec Sacerdos assistere matrimonio sine absoluto consensu Parochi Spon-rum, nec ullus contrahere matrimonium ut procurator nomine alterius, sine hujus mandato, nec ullus contractus absolutus initi, nisi adsit voluntas præsens signo al-quo manifestata. Non obstat, quod alterius negotium gerens altero ignaro vali-de agat; quia negotia alterius gerens ple-rosque contractus celebrat suo nomine, ijsque principaliter obligatur, habet tamen actionem *negotiorum gestorum*, vi cuius is, in cuius gratiam gesta sunt, servet ipsum indemnem, uti tradunt Ju-risconsulti L. 4. Instit. tit. 28. & ff. de negotijs gestis.

33. E contra ex consensu interpretativo conditionato licetè sunt actiones, ad quorum licitatem solum postulatur, ut alter non sit invitus positivè, quales sunt omnes, quæ malæ sunt præcisè, quia sunt rationabiliter prohibitæ, unde si nunc sunt tales circumstantiae, in quibus prudenter non possunt prohiberi, cessant esse malæ ex præsumpto voluntario conditionato, quod videtur sufficere Legislatorem non esse invitum; quare tunc est licita operatio *contra corticem legis*, ut loquitur P. Joan. Marin. *De Act. hum.* D. 1. n. 73. dans rationem quod Legislator si adesset, ita decerneret, & si hunc casum prævidisset, generalem prohibitionem non posuisset.

Et universaliter in dubio de extensione, & contractione obligationis objectivæ voluntatis, & materiae in precepto, in lege, & voto, contractu, & testamento interpretatio prudenter fit juxta voluntatem habitualis personæ mandantis, voentis, contrahentis, testantis: quia censetur voluisse id, quod voluisset si advertisset hunc casum, & quod decerneret, ac mandaret, si non esset Judex. Ita ille ex Less. L. 2. de just. c. 18. nn. 72. & c. 41. n. 45. & 52.

Inf. ulterius 1. Cum, ut Religiosus itinerans citra violationem paupertatis aliquid ab offerentibus accipiat, sufficiat, si superior non sit positivè invitus, sequitur sufficere tunc consensum interpretativum conditionatum.

Inf. 2. Ex simili consensu præsumpto creditoris licetè differre potest solutionem debtor.

Inf. 3. Plures pœnitentes excusari posse à restitutione, nempe omnes prudenter credentes, quod si per se, aut per alios manifestarent debitum domino, hic condonaret, Ita Lug. de just. D. 21. n. 53. qui postea cum Sanch. l. 7. mor. c. 19. Navar. Less. excusas à furto usurpantes rem alienam inscio domino, dummodo non sit dominus invitus, quoad substantiam, prout non est, quando dominus rem talam dedisset, si accipiens petiisset, et si sit invitus quoad modum, quo usurpans utitur re suâ, scilicet quod non petierit licentiam, tum facile posset.

Ex hoc principio multi excusant uxores, filios, famulos, amicos usurpatores rerum mariti, parentum, Dominorum &c. quos sequitur cit. Marin. nn. 72. alle-

gans c. Inter omnes 47. §.

*Recta de furtis.*

### §. VIII.

*An in Religiosis præsumpta, seu interpretativa, aut saltem tacita voluntas Superioris locum habeat, ut non agant contra votum paupertatis.*

34. **A**ffirmant apud cit. Marin Soarez to. 3. de Relig. l. 8. c. 11. n. 8. R. P. Karch. Diff. Sanch lib. Mor. c. 19. Lug. de Just. D. 3. §. 7 propter præsumptam voluntatem super-

D